



Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu člana 48 stav 4. i 5. Zakona o prostornom uređenju i građenju („Službene novine ZE – DO kantona“, broj: 1/14) i člana 19. tačka 5. Statuta Općine Breza („Službeni glasnik Općine Breza“ broj 8/09 – Prečišćeni tekst), Općinsko vijeće Breza na sjednici održanoj dana 27.03.2014.godine, donosi :

ODLUKU O USVAJANJU I PROVOĐENJU REGULACIONOG PLANA „SMREKOVICA II“

Član 1.

Usvaja se Regulacioni plan „Smrekovicall“ . (u daljem tekstu „Plan“).

Član 2.

Plan je izrađen u analognom i digitalizovanom obliku, korištenjem parametara globalnog prostornog koordinatnog sistema (GIS).

Plan se sastoji iz tekstualnog dijela, grafičkog dijela i pratećih priloga:

TEKSTUALNI DIO

- 1.1.Planski osnov
- 1.2.Razlozi donošenja Odluke o pristupanju izradi Plana
- 1.3.Metodologija izrade Plana
- 1.4.Dokumentacija korištena za formiranje informaciono-dokumentacione osnove
2. Stanje prostornog uređenja
 - 2.1.Postojeća planska dokumentacija
 - 2.2.Prirodni uslovi
 - 2.3.Fizička struktura
 - 2.4.Infrastrukturna opremljenost
 - 2.5.Zaštita životne sredine
 - 2.6.Ocjena stanja u prostoru
 - 2.7.Ciljevi uređenja prostorne cjeline
 - 2.8.Razmatranje planskih kriterija i prijedlozi koncepcije razvoja
3. Projekcija izgradnje i uređenja prostorne cjeline
 - 3.1.Osnovna koncepcija razvoja
 - 3.2.Prostorna organizacija
 - 3.3.Komunalna infrastruktura
 - 3.4.Zaštita i unapređenje okoliša, stanovništva i materijalnih dobara
4. Bilans površina sa urbanističkim pokazateljima
5. Opšti urbanističko-tehnički uslovi za korištenje zemljišta i izgradnju objekata
6. Orientacioni troškovnik uređenja građevinskog zemljišta

GRAFIČKI DIO

1. Izvod iz postojeće planske dokumentacije
2. Karta inženjerske prospekcije terena
3. Karta stanja prostornog uređenja
4. Plan prostorne organizacije
5. Plan parcelacije sa regulacionim i građevinskim linijama
6. Plan saobraćaja sa nivelacijom
7. Plan vodovoda i kanalizacije
8. Plan elektroenergetike
9. Opravdanost gabarita

PRILOZI

- Prilog br.1 – Koordinate lomnih tačaka
Prilog br.2 – Odgovori na primjedbe
Prilog br.3 – Odluka o provođenju Plana

Član 3.

Plan se donosi za period do 2019. godine, nakon koga se može revidirati i po potrebi mijenjati i dopunjavati.

Član 4.

Dokument Plana, ovjeren pečatom općine Breza i potpisan od strane Načelnika općine Breza, će se čuvati u Službi za prostorno uređenje, zaštitu okolice, geodetske i imovinsko-pravne poslove.

Član 5.

Za provođenje Plana starat će se Služba za prostorno uređenje, zaštitu okolice, geodetske i imovinsko-pravne poslove.

Član 6.

Sastavni dio ove odluke je knjiga: Odluka o provođenju regulacionog plana „Smrekovicall“

Član 7.

Ova Odluka stupa na snagu danom objavljivanja u „Službenom glasniku Općine Breza“.

Broj: 01/1-02-629/14
Breza, 27.03. 2014.godine

PREDSJEDAVAJUĆI
Općinskog vijeća
Miro Vrljičak, s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu člana 48 stav 4. i 5. Zakona o prostornom uređenju i građenju („Službene novine ZE–DO kantona“, broj: 1/14) i člana 19. tačka 5. Statuta Općine Breza („Službeni glasnik Općine Breza“ broj 8/09 – Prečišćeni tekst), Općinsko vijeće Breza na sjednici održanoj dana 27.03.2014. godine, donosi:

O D L U K U
O PROVOĐENJU REGULACIONOG PLANA „SMREKOVICA II“

Član 1.

Ovom Odlukom utvrđuju se uslovi korištenja, izgradnje, uređenja, zaštite prostora i način provođenja Regulacionog plana „Smrekovica II“ (u daljem tekstu: Plan), a naročito granice prostorne cjeline, urbanističko-tehnički uslovi za izgradnju građevina, uslovi za uređenje građevinskog zemljišta, uređenje zelenih i slobodnih površina, te odnosi prema postojećim objektima.

OPŠTI USLOVI I GRANICE PROSTORNE CJELINE**Član 2.**

Plan se sastoji iz tekstualnog dijela, grafičkog dijela i pratećih priloga.

Član 3.

Granice Plana su prikazane u grafičkom dijelu i prilogima Plana (Prilog br.1), koji su sastavni dijelovi ove Odluke. Površina obuhvata je 7,56 ha i nalazi se u k.o. Sutješćica.

Član 4.

Izgradnja na ovom području vršiće se na osnovu ovog Plana. Sve intervencije u granicama obuhvata Plana moraju biti u skladu sa istim. Pod intervencijama se smatra: promjena namjene površina, izmjena regulacionih i građevinskih linija, vršenje građevinskih i infrastrukturnih radova, promjena spratnosti objekata i drugih građevinskih radova.

Član 5.

Provedba Plana vrši se prema odredbama važeće zakonske regulative.

Član 6.

Planom su definisane zone izgradnje prema postojećim uslovima stabilnosti zemljišta:

- Izgradnja individualnih stambenih objekata i objekata društvene infrastrukture na području stabilnog terena
- Izgradnja objekata lakih i montažnih konstrukcija sa sportskim igralištima na području uslovno stabilnog terena
- Izgradnja površina pod zelenilom, voćnjaka, pješačkih i rekreacionih staza na području nestabilnog terena

Granice zona izgradnje su prikazane u grafičkom dijelu i prilogima Plana (Prilog br.1) i sastavni su dijelovi ove Odluke.

Član 7.

Izgradnji objekata i infrastrukture, na području izrade Plana, može se pristupiti nakon izrade detaljnih geoloških, geomehaničkih, hidrogeoloških i inženjersko-geoloških istraživanja, odnosno nakon izrade projekata sanacije klizišta.

URBANISTIČKO-TEHNIČKI USLOVI ZA IZGRADNJU GRAĐEVINA**Član 8.****Regulaciona i građevinska linija:**

- Građevinske parcele utvrđene su regulacionom linijom i definisane u grafičkom dijelu i prilogima Plana.
- Plan parcelacije utvrđen je linijom parcele i definisan u grafičkom dijelu i prilogima Plana.
- Planom utvrđene parcele mogu se spajati, pri čemu se ne mogu mijenjati planirane saobraćajne površine i utvrđena građevinska linija prema ulici.

- Građevinska linija utvrđuje dio građevinske parcele na kojoj je moguće izgraditi građevinu. Građevinskom linijom je utvrđena udaljenost objekta od regulacione linije i linije parcele. Građevinska linija ne može prelaziti regulacionu liniju, osim ako ista nije predviđena Planom. Unutar građevinskih linija investitor je slobodan da definiše tlocrt građevina u ovisnosti od potreba i želja.
- Građevinska linija utvrđena grafičkim dijelom Plana se može preći u situaciji spajanja pojedinih parcela, pri čemu se ne smiju preći vrijednosti stepena izgrađenosti parcele i koeficijenta izgrađenosti parcele datih ovim Planom.
- Građevinsku liniju utvrđenu grafičkim dijelom Plana mogu preći arhitektonsko-oblikovni elementi kao što su nadstrešnice, terase i balkoni. Navedeni istaci mogu preći građevinsku liniju za maksimalno 1,5m, uz uslov da su realizovani u okviru pripadajuće parcele.
- Uslovi i mogućnosti izgradnje podzemnih etaža objekata utvrditi će se izradom detaljnih geoloških, geomehaničkih, hidrogeoloških i inženjersko-geoloških istraživanja, odnosno nakon izrade projekata sanacije klizišta. Građevinska linija podzemne etaže objekta ne može biti veća od građevinske linije osnovnog gabarita objekta.

Spratnost objekata:

- Planirana spratnost i odstojanje objekata je utvrđena u grafičkom dijelu Plana. Spratnost objekata se ne može mijenjati osim u slučajevima koji su propisani ovom Odlukom.
- Etaže objekata su: suteran („S“), prizemlje („P“), spratovi („1“, „2“, ...), potkrovlje („Po“)
- Uslovi i mogućnosti izgradnje podzemnih etaža objekata utvrditi će se izradom detaljnih geoloških, geomehaničkih, hidrogeoloških i inženjersko-geoloških istraživanja, odnosno nakon izrade projekata sanacije klizišta. Podzemnom etažom se smatra najniža etaža zgrade koja je najmanje jednom polovicom volumena i sa svim stranicama ukopana u odnosu na uređen teren (više od 50%).
- Suteran je etaža dijelimično ukopana u teren sa tri strane i slobodnim pročeljem, kao i etaža zgrade koja je ukopana u odnosu na uređen teren između jedne četvrtine do jedne polovine svog volumena (između 25% i 50%).
- Potkrovnom etažom se smatra prostor ispod krovišta sa visinom nadzidka do 150 cm. Visina nadzidka se mjeri od gornje kote poda potkrovlja do spoja nadzidka sa krovnom konstrukcijom.
- Tavanom se smatra prostor ispod krovišta sa visinom nadzidka do 60 cm. Visina nadzidka se mjeri od gornje kote poda potkrovlja do spoja nadzidka sa krovnom konstrukcijom.
- Spratnost objekata na kosom terenu odnosi se na dio vertikalnog gabarita objekta lociranog na nižoj strani uređenog terena, odnosno računa se od kote najnižeg ruba uređenog terena uz građevinu.

Arhitektonsko oblikovanje:

Pri arhitektonskom oblikovanju i materijalizaciji nove izgradnje, te rekonstrukcije, dogradnje i nadogradnje postojećih objekata poštivati sljedeće smjernice:

- Arhitektonske forme objekata prilagoditi funkciji individualnog stanovanja za potrebe odmora i rekreacije, sa jednostavnim arhitektonskim linijama i formom jednostavnih kubusa. Savremeni način tretiranja fasade treba biti sa aspekta forme, kolorita i upotrebe savremenih materijala
- Pri kolorističkoj obradi preporučuje se ublažena bijela ili svijetlo pastelne u kombinaciji sa neutralnim nijansama

Završna etaža i krovšte:

Krovovi objekata mogu biti dvovodni, viševodni ili ravni.

- Preporučuje se primjena jednostavnih krovnih formi: kosih dvodovnih krovova, krovova sa blagim nagibom ili ravnih krovova.
- U slučaju primjene kosih krovova, tavanski prostori se mogu koristiti za sadržaje koji su u funkciji primarne namjene objekta, odnosno za proširenje postojećih ili uspostavu novih stambenih jedinica.

Ostali uslovi:

- Stepen izgrađenosti i koeficijent izgrađenosti utvrđen je i prezentiran u tekstualnom dijelu Plana
- Nivelacione kote prizemlja planiranih objekata u odnosu na saobraćajnicu - ulicu utvrditi će se na osnovu nivelacionih kota saobraćajnica datih u Planu
- Nivelaciona kota prizemlja ili suterena u objektima u kojima je predviđen poslovni prostor mora se izvesti najmanje 15.0 cm više od kote niveleta pločnika
- Priključke na saobraćajnice i mrežu komunalne infrastrukture treba u svakom konkretnom slučaju projektovati u skladu sa Planom (važećim tehničkim normativima) na osnovu faza komunalne infrastrukture koje su sastavni dio Plana
- Za sve novoplanirane sadržaje mora se obezbijediti saobraćajni pristup.
- Nivelete pješačkih saobraćajnica, kao i prilazi i ulazi u građevine društvene infrastrukture, moraju biti isprojektovane i izvedene prema Uredbi o urbanističko-tehničkim uslovima, prostornim standardima i normativima za otklanjanje i sprječavanje stvaranja arhitektonsko-urbanističkih barijera za kretanje invalidnih lica koja koriste tehnička i ortopedska pomagala

OSTALI USLOVI UREĐENJA GRAĐEVINSKOG ZEMLJIŠTA**Član 9.**

Uređenje građevinskog zemljišta se mora izvesti u obimu i na način kako je to predviđeno Planom. Površine koje su ovim Planom predviđene za određene namjene ne mogu se koristiti u druge namjene.

Izgradnja građevina se ne može započeti bez prethodnog minimalnog uređenja građevinskog zemljišta, pod čime se podrazumijeva obezbjeđenje saobraćajnog pristupa parceli, priključenje na vodovodnu, kanalizacionu i elektroenergetsku mrežu, eventualno izmještanje vodova komunalne infrastrukture, te potrebnih radova na stabilizaciji terena.

Izgradnja građevina ne može započeti prije uklanjanja objekata predviđenih za rušenje. Izuzetno se ovi objekti mogu koristiti za potrebe gradilišta, ali se isti moraju ukloniti prije tehničkog prijema građevine.

Član 10.

U objektima društvene infrastrukture mogu se obavljati sve djelatnosti koje ne ugrožavaju prirodnu sredinu i okoliš, koje ne remete korištenje susjednih objekata i sadržaja i koje se vrše u objektima izgrađenim u skladu sa važećim propisima (u odnosu na djelatnosti koje se u njima vrše).

Član 11.

Saobraćajne površine, površine za parkiranje i parkiranje vozila utvrđene su Planom - faza saobraćaja.

Parkiranje-garažiranje za potrebe individualnog stanovanja se mora obezbijediti u sklopu pripadajuće parcele. Izgradnja garaža za potrebe individualnog stanovanja se dozvoljava u okviru gabarita građevinske linije. Za potrebe izgradnje parkirališta na dijelovima parcele izvan građevinske linije dozvoljeno je postavljanje nadstrešnica od lakih i prozračnih konstrukcija.

Parkiranje za potrebe korisnika sportskog centra i gostiju naselja se realizuje na površinama parkirališta definisanim Planom..

Član 12.

Unutar saobraćajnog ugla preglednosti ne mogu se postavljati ograde, vršiti sadnja visokog zelenila ili graditi druge fizičke strukture.

Član 13.

Postavljanje javne rasvjete, klupa, korpi za otpatke, natpisa, reklama i sličnih oznaka potrebno je definisati izradom projektne dokumentacije za cijeli obuhvat Plana.

Član 14.

Ovim Planom utvrđene su kategorije zelenila:

- Zelene površine privatnih parcela
- Uređena zelena površina javnog korištenja
- Linijsko (zaštitno) zelenilo
- Voćnjak

Površine utvrđene kao neke od ovih kategorija ne mogu se koristiti za druge namjene, niti se mogu graditi objekti koji nisu u skladu sa funkcijom koju ta kategorija zelenila treba da ostvari.

Tehnički prijem arhitektonskih i drugih objekata podrazumijeva i prijem izvedenih radova na uređenju zelenih površina.

U zonama zelenila se može odobriti izgradnja pješačkih staza sa urbanim mobilijarom.

Član 15.

Unutar prostorne cjeline obuhvata Plana primjenjuju se mjere zaštite stanovništva i materijalnih dobara od prirodnih i drugih nesreća u skladu i na način propisan zakonskim dokumentima, kao i općinskim programima i planovima zaštite.

Član 16.

Pri izdavanju dozvole za građenje arhitektonskih objekata potrebno je pribaviti inženjersko - geološki i geo-tehnički nalaz i uslove temeljenja od stručnih institucija, a statički proračun mora se dimenzionirati za potrebe najmanje 8^o MCS.

Tehnička dokumentacija za realizaciju novih objekata mora biti u saglasnosti sa preporukama vezanim za konstruktivne elemente same građevine i neophodnih radova na okolnom terenu na osnovu detaljnog inženjersko-geološkog i geo-tehničkog izvještaja, koji treba biti urađen od strane ovlaštene firme.

Obim i kvalitet izvedenih radova vezanih za geoinženjerske uslove moraju biti verifikovani u okviru tehničkog prijema, a upotrebna dozvola se ne može izdati ukoliko predviđeni radovi nisu u obimu i kvalitetu zadovoljavajući.

ZAVRŠNE ODREDBE**Član 17.**

Do privođenja površina planiranoj namjeni prema ovom Planu, privremeno korištenje istih može odrediti nadležni općinski organ posebnim rješenjem.

Član 18.

Ova odluka stupa na snagu danom objavljivanja i u Službenom glasniku Općine Breza.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu člana 13. stav 2. alineja 18. Zakona o principima lokalne samouprave u Federaciji Bosne i Hercegovine („Službene novine FBiH“ broj: 49/06 i 51/09), člana 11. stav 2 Zakona o ugostiteljskoj djelatnosti („Službene novine Federacije BiH“, broj 32/09), člana 40. Zakona o obrtu i srodnim djelatnostima („Službene novine Federacije BiH“, broj 35/09), člana 24, stav 1. Zakona o unutrašnjoj trgovini („Službene novine Federacije BiH“, broj 40/10) i člana 19. Tačka 2. Statuta Općine Breza („Službeni glasnik Općine Breza“, broj 8/09 – Prečišćeni tekst) Općinsko vijeće Breza na sjednici održanoj dana 27.03.2014 godine, donosi

O D L U K U

o radnom vremenu u određenim djelatnostima na području Općine Breza

I – OPĆE ODREDBE

Član 1.

Ovom Odlukom utvrđuje se radno vrijeme i raspored dnevnog i sedmičnog radnog vremena u oblasti trgovine, ugostiteljstva, obrtničkih i srodnih djelatnosti, radno vrijeme u dane državnih praznika i neradnih dana, radno vrijeme duže od propisanog, uslovi za produženje radnog vremena i druga pitanja kojima se uređuje rad naprijed navedenih djelatnosti.

Odredbe iz stava 1. ovog člana odnose se na pravna i fizička lica koja obavljaju navedene djelatnosti putem svojih prodavnica, radnji, agencija, poslovnih jedinica, radionica, objekata igara na sreću i sličnih prostora koji se nalaze na području Općine Breza.

Član 2.

Odredbe ove Odluke ne primjenjuju se na:

- Poslovne jedinice – radnje koje pružaju ugostiteljske usluge uposlenim u preduzećima, u organizacijama, udruženjima i ustanovama,
- Stovarišta u kojima se vrši promet robe na veliko,
- Prodajna mjesta u sklopu pijaca i tržnica.

Član 3.

Radno vrijeme ne može biti kraće od 4 (četiri) sata prije i 3 (tri) sata poslije podne, a subotom 5 (pet) sati, osim ako ovom Odlukom nije drugačije određeno.

Minimalnim radnim vremenom iz stava 1. ovog člana smatra se vrijeme u kojem objekti navedenih djelatnosti u članu 1. ove Odluke moraju biti otvoreni radi pružanja usluga građanima.

Minimalno radno vrijeme može se odrediti u intervalu od 08-12 sati (prije podnevno radno vrijeme) i od 17-20 sati (poslijepodnevno radno vrijeme), a subotom od 09-14 sati.

Radna sedmica za sve djelatnosti iz člana 1. Ove Odluke ne može biti kraća od šest radnih dana, osim ako ovom Odlukom nije drugačije određeno.

Član 4

Obavijest o radnom vremenu mora se istaći na vidnom mjestu na ulazu u poslovne prostorije.

II RADNO VRIJEME TRGOVAČKIH RADNJI

Član 5.

U trgovinama na malo u kojima se vrši prodaja prehrambenih proizvoda mora se obezbijediti radno vrijeme svakim radnim danom od 06-20 sati, a u zimskom periodu u vremenu od 07-18 sati, s tim da ne može biti duže od 21 sat u zimskom i 22 sata u ljetnom periodu, izuzev prodavnica koje imaju radno vrijeme non-stop.

Izuzetno od odredbe prethodnog stava u prodavnicama koje ne mogu obezbijediti neprekidno radno vrijeme, može se raditi dvokratno (prodavnice od 1-3 uposlena radnika), a u skladu sa odredbama člana 3. ove Odluke.

Član 6.

U trgovinama na malo u kojima se vrši prodaja neprehrambenih proizvoda može se obezbijediti radno vrijeme radnim danom od 08-18, a subotom od 09-14 sati.

Izuzetno od odredbe prethodnog stava u prodavnicama u kojima se ne može objezbijediti neprekidno radno vrijeme može se raditi dvokratno (prodavnice sa 1-3 uposlena radnika), a u skladu sa odredbama člana 3. ove Odluke.

III RADNO VRIJEME UGOSTITELJSKIH I TURISTIČKIH OBJEKATA

Član 7.

Objekti u kojima se pružaju ugostiteljske usluge moraju obezbijediti minimalno radno vrijeme u skladu sa članom 3. ove Odluke.

Član 8.

U objektima u kojima se obavlja ugostiteljska djelatnost određuje se završetak radnog vremena najkasnije do 24 sata, s tim da se u dane državnih i vjerskih praznika, kao i za potrebe organizovanja prigodnih proslava radno vrijeme može produžiti do 02 sata.

Odredbe ovog člana ne odnose se na radno vrijeme hotela, disko klubova i barova (noćnih klubova), koje može trajati:

- Hoteli, moteli, pansioni, prenočišta i drugi objekti koji pružaju usluge prenočišta i to recepcije, od 00 do 24 sata.
- Disko klubovi od 18 do 02 sata, s tim da se u dane državnih i vjerskih praznika radno vrijeme može produžiti do 03 u zimskom, odnosno 04 sata u ljetnom periodu.
- Noćni barovi i noćni klubovi od 20 – 04 sata.
- Saloni za posebne prilike od 12 – 04 sata.

Odredbe iz stava 1. ovog člana odnose se i na radno vrijeme ljetnih bašti bez obzira da li obavljaju radnu djelatnost samostalno ili u sastavu nekog od ugostiteljskih objekata.

Izvođenje muzike uživo i upotreba uređaja za reprodukciju muzike poslije 22 sata regulisana je Odlukom o javnom redu i miru.

Član 9.

Odobrenje za produženo radno vrijeme donosi nadležna općinska služba na zahtjev nosioca djelatnosti, pod uslovom da je zahtjev podnesen 5 - 7 dana prije manifestacije i da podnosilac nije kažnjavan po osnovu nepoštivanja odredbi ove Odluke u periodu od tri mjeseca unazad.

IV RADNO VRIJEME OBRITNIČKIH I SRODNIH DJELATNOSTI

Član 10.

Objekti u kojima se vrši obrtnička i srodna djelatnost moraju obezbijediti minimalno radno vrijeme u skladu sa članom 3. ove Odluke.

V OGRANIČENJE RADNOG VREMENA

Član 11.

Ako se vršenjem ugostiteljske, obrtničke i druge djelatnosti uznemiravaju građani koji rade ili stanuju u susjedstvu, Općinski načelnik putem nadležne službe može, po prethodno pribavljenom mišljenju nadležne policijske uprave, ograničiti rad u objektu do 22 sata u trajanju od 3 mjeseca minimalno.

Izuzetno od odredbe prethodnog stava ne može se ograničiti radno vrijeme za obrtničke i druge djelatnosti koje po prirodi svog tehnološkog procesa moraju obavljati djelatnosti neprekidno danju i noću, odnosno samo noću, a ne postoji tehnička ili druga mogućnost da se spriječi širenje buke.

Član 12.

Zahtjev za pokretanje postupka za ograničenje radnog vremena iz člana 11. ove Odluke može podnijeti savjet mjesne zajednice, a na inicijativu građana i organi policijske stanice Breza.

VI NADZOR

Član 13.

Nadzor nad provođenjem odredaba ove Odluke vrše nadležne inspekcije Zeničko-dobojskog kantona i organi policijske uprave.

VII KAZNE NE ODREDBE

Član 14.

Novčanom kaznom u iznosu od 200 do 1 000 KM kaznit će se pravno lice i vlasnik radnje, ako:

- odredi radno vrijeme suprotno odredbama ove Odluke (član 3., 5., 6., 7., 8. i 10.),
- na propisan način ne istakne obavijest o radnom vremenu (član 4.).

Za prekršaje iz stava 1. Ovog člana, kaznit će se odgovorno lice u pravnom licu novčanom kaznom u iznosu od 100 do 500 KM.

VIII PRELAZNE I ZAVRŠNE ODREDBE

Član 15.

Općinsko vijeće ovlašćuje Općinskog načelnika da može za djelatnosti iz člana 1. ove Odluke naredbom odrediti drugačije radno vrijeme u dane državnih praznika i neradne dane od radnog vremena propisanog ovom Odlukom ako procijeni da za to postoji potreba.

Član 16.

Subjekti koji obavljaju djelatnost iz člana 1. ove Odluke dužni su svoje radno vrijeme uskladiti sa odredbama ove Odluke u roku od 30 dana od dana njenog stupanja na snagu.

Član 17.

Stupanjem na snagu ove Odluke prestaje da važi Odluka o rasporedu radnog vremena u određenim djelatnostima („Službeni glasnik Općine Breza“, broj 1 /99).

Član 18.

Ova Odluka stupa na snagu osmog dana od dana objavljivanja u „Službenom glasniku Općine Breza“.

Broj: 01/1-02-99/14

Breza, 27.03. 2014.godine

PREDSJEDAVAJUĆI

Općinskog vijeća

Miro Vrljičak, s.r

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu člana 13.stav 2. alineja 5. Zakona o principima lokalne samouprave („Službene novine FBiH“, broj 49/2006 i 51/09), člana 115. stav 2. Statuta Općine Breza („Službeni glasnik Općine Breza“, broj: 8/09 – Prečišćeni tekst), Općinsko vijeće Breza, na sjednici održanoj dana 27.03.2014. godine, d o n o s i:

O D L U K U

o izmjeni i dopuni Odluke o privremenom zauzimanju javnih površina na području Općine Breza

Član 1.

U Odluci o privremenom zauzimanju javnih površina na području Općine Breza („Službeni glasnik Općine Breza“, broj: 5/08), član 6. stav 1. alineja 3. mijenja se i glasi: „da se ne uništavaju zelene površine, ali se izuzetno može izdati odobrenje za zauzimanje javne površine u periodu od 01.05. do 30.09. tekuće godine“.

Član 2.

Zauzimanje javnih površina iz člana 1. ove Odluke vršiče se putem javnog konkursa uz početnu cijenu od 10 KM.

Član 3.

Ova Odluka stupa na snagu osmog dana od dana objavljivanja u „Službenom glasniku Općine Breza“.

Broj: 01/1-593/14
Breza, 27.03.2014.godne

PREDSJEDAVAJUĆI
Općinskog vijeća
Miro Vrljičak,s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu člana 13. stav 2. alineja 12. Zakona o principima lokalne samouprave u Federaciji BiH ("Službene novine FBiH", broj 49/06 i 51/09, člana 3. i 7. Odluke o javnim priznanjima Općine Breza ("Službeni glasnik Općine Breza", broj 4/01, 2/07 i 3/07), Općinsko vijeće Breza, na sjednici održanoj dana 27.03. 2014. godine, donosi

O D L U K U

o dodjeljivanju javnog priznanja Općine Breza "Plaketa Breze"

Član 1.

U povodu 6. aprila Dana Općine Breza "**PLAKETA BREZE**",

DODJELJUJE SE:

- 1. RATNA BOLNICA BREZA**
- 2. UG. „ZLATNI LJILJAN „ BREZA**
- 3. Prof. dr. sc. ZARIJE (Prokopije) SEIZOVIĆ**
- 4. Mr. rud. MUNIB (Avde) ZAIMOVIĆ**

Član 2.

Uz diplomu će se dodjeliti i novčana nagrada u iznosu od 400,00 KM.

Član 3.

Javno priznanje iz ove Odluke uručiti na svečanoj sjednici Općinskog vijeća koja će se održati u povodu Dana Općine Breza.

Član 4.

Ova Odluka stupa na snagu danom objavljivanja u "Službenom glasniku Općine Breza".

Broj: 01/1-02-113/14
Breza, 27.03.2014.godine

PREDSJEDAVAJUĆI
Općinskog vijeća
Miro Vrljičak,s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu člana 13. stav 2. alineja 12. Zakona o principima lokalne samouprave u Federaciji BiH ("Službene novine FBiH", broj 49/06 i 51/09, člana 3. i 9. Odluke o javnim priznanjima Općine Breza ("Službeni glasnik Općine Breza", broj 4/01, 2/07 i 3/07), Općinsko vijeće Breza, na sjednici održanoj dana 27.03.2014. godine, donosi

ODLUKU**o dodjeljivanju javnog priznanja Općine Breza "Nagrada Breze"**

Član 1.

U povodu 6. aprila Dana Općine Breza, priznanje "**NAGRADA BREZE**"

DODJELJUJU SE:

- **Melihi (Vehdije) Beširević,**
- **Rešadu (Muharema) Mamedi,**
- **Najilu (Huse) Sirotanović,**
- **Seniji (Alije) Tuzlić,**
- **Arifu(Sulje) Begiću**

Član 2.

Uz diplome će se dodjeliti i novčana nagrada u iznosu od po 300,00 KM.

Član 3.

Javno priznanje iz ove Odluke uručiti na svečanoj sjednici Općinskog vijeća koja će se održati u povodu Dana Općine Breza.

Član 4.

Ova Odluka stupa na snagu danom objavljivanja u "Službenom glasniku Općine Breza".

Broj: 01/1-02-113/14
Breza, 27.03. 2014.godine

PREDSJEDAVAJUĆI
Općinskog vijeća
Miro Vrljičak.s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće
Broj:01/1-594/14
Breza, 27.03.2014.godine

Na osnovu člana 101. stav 3. Statuta Općine Breza - Prečišćeni tekst ("Službeni glasnik općine Breza", broj 8/09), Općinsko vijeće Breza na sjednici održanoj 27.03.2014. godine, d o n o s i

ZAKLJUČAK

o dodjeli Sportsko-rekreacionog centra "ADA"
u Brezi na privremeno korištenje i čuvanje

I

Dodjeljuje se Sportsko-rekreacioni centar "ADA" u Brezi koji se nalazi na zemljištu označenom kao k.č.br. 686/24 k.o. Smrekovica (s.p.), što odgovara k.č.br. 552 k.o. Breza (n.p.), „RIV“-u D.O.O. Breza, bez naknade na period od jedne godine, odnosno do iznalaženja dugoročnijeg rješenja.

II

Način korištenja prava i obaveze korisnika regulisat će se posebnim ugovorom.

III

Za realizaciju Zaključka zadužuje se Služba za prostorno uređenje, zaštitu okolice, geodetske i imovinsko-pravne poslove, shodno članu 13. Odluke o dodjeli u zakup poslovnih zgrada, prostorija i garaža („Službeni glasnik Općine Breza“, broj 8/08 i 5/10).

IV

Zaključak će se objaviti u Službenom glasniku Općine Breza.

Dostavljeno:
1.Služba za prostorno uređenje,
2. „RIV“ D.O.O. Breza,
3. 01/1,
4. a/a.

PREDSJEDAVAJUĆI:
Općinskog vijeća
Miro Vrljičak,s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Broj: 01/1-02-630/14
Breza, 27.03.2014.godine

Na osnovu člana 115. stav 3. Statuta Općine Breza ("Službeni glasnik Općine Breza", broj 8/09 – Prečišćeni tekst), prilikom razmatranja Izvještaja o poduzetim mjerama po zaključku Općinskog vijeća Breza u JP „Komunalno“ d.o.o. Breza, Općinsko vijeće Breza, na sjednici održanoj dana 27.03.2014. godine, d o n o s i

ZAKLJUČAK

I

USVAJA SE Izvještaj o poduzetim mjerama po zaključku Općinskog vijeća Breza u JP „Komunalno“ d.o.o. Breza.

III

Zaključak objaviti u Službenom glasniku Općine Breza.

DOSTAVLJENO:

1x Predsjednik skupštine
JP „Komunalno“ do.o. Breza,
1x Predsjednik Nadzornog odbora JP
„Komunalno“ d.o.o. Breza,
1x Direktor JP „Komunalno“ d.o.o. Breza,
1x 01/1,
1x Arhiva.

PREDSJEDAVAJUĆI

Općinskog vijeća
Vrljičak Miro, s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Broj: 01/1-02-501/14
Breza, 27.03.2014.godine

Na osnovu člana 115. Statuta Općine Breza ("Službeni glasnik Općine Breza", broj: 8/09 – Prečišćeni tekst) prilikom razmatranja Informacija o stanju bezbjednosti na području Općine Breza za 2013.godinu, Općinsko vijeće Breza na sjednici održanoj dana 27.03.2014.godine, donosi

ZAKLJUČAK

I

USVAJA SE Informacija o stanju bezbjednosti na području Općine Breza za 2013.godinu.

II

Zaključak objaviti u „Službenom glasniku Općine Breza“.

Dostavljeno:
1x Policijska stanica Breza,
1x 01/1,
1x a/a.

PREDSJEDAVAJUĆI
Općinskog vijeća
Miro Vrljičak,s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Broj: 01/1-02-501/14
Breza, 27.03.2014.godine

Na osnovu člana 115. Statuta Općine Breza (“Službeni glasnik Općine Breza”, broj: 8/09 – Prečišćeni tekst) prilikom razmatranja Informacije o stanju bezbjednosti na području Općine Breza za 2013.godinu, Općinsko vijeće Breza na sjednici održanoj dana 27.03.2014.godine, donosi

ZAKLJUČAK**I**

Da se organizuje javna tribina na temu „Mjesec borbe protiv ovisnosti“

II

Za pripremu javne tribine uključiti:

- Centar za socijalni rad Breza,
- Osnovne i srednje škole sa područja Općine Breza,
- Vjerske zajednice,
- Dom zdravlja Breza,
- Policijsku stanicu Breza.

III

Za realizaciju zaključka zadužuje se Služba za finansije, upću upravu i inspeksijske poslove.

IV

Rok realizacije zaključka je 60 dana od dana objavljivanja u „Službenom glasniku Opine Breza“.

Dostavljeno:
1x Služba za finansije,opću upravu,
i inspeksijske poslove
1x 01/1,
1x a/a.

PREDSJEDAVAJUĆI
Općinskog vijeća
Miro Vrljičak,s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinski načelnik

Na osnovu člana 15. stav 1. tačka 2. Zakona o principima lokalne samouprave u Federaciji BiH ("Službene novine FBiH"; broj 49/06) i člana 116. Statuta Općine Breza ("Službeni glasnik Općine Breza", broj 8/09 – Prečišćeni tekst), Općinski načelnik dana 21.03.2014.godine, d o n o s i

O D L U K U

o dodjeli jednokratne novčane pomoći porodiljama sa područja Općine Breza

Član 1.

Ovom odlukom utvrđuje se pravo na ostvarivanje jednokratne novčane pomoći porodiljama za novoroeno dijete bez obzira je li u random odnosu ili nije.

Član 2.

Jednokratna novčana pomoć porodilji za novorođeno dijete utvrđuje se u iznosu od 100,00 KM po svakom novorođenom djetetu.

Sredstva za jednokratnu novčanu pomoć porodilji za novorođeno dijete su planirana Budžetom Općine Breza.

Član 3.

Za ostvarivanje jednokratne novčane pomoći porodilji za novorođeno dijete potrebno je pribaviti sljedeću dokumentaciju:

- izvod iz matične knjige rođenih za dijete,
- uvjerenje o prebivalištu na području Općine Breza za porodilju,
- kopija lične karte za porodilju.

Član 4.

Rješenje o pravima na jednokratnu novačnu pomoć iz tačke 3. ove Odluke donosi Javna ustanova Centar za socijalni rad Breza, po zahtjevu stranke.

Član 5.

Ova odluka stupa na snagu danom donošenja, a primjenjivat će se od 01.01.2014.godine i bit će objavljena u "Službenom glasniku Općine Breza".

Broj: 01/2-05-596/14
Breza, 21.03.2014.godine

OPĆINSKI NAČELNIK
Halil Tuzlić,s.r.

S A D R Ź A J

- 49.Odluka o usvajanju i provođenju Regulacionog plana „Smrekovica II“.
- 50.Odluka o provođenju Regulacionog plana „Smrekovica II“.
- 55.Odluka o radnom vremenu u određenim delatnostima na području Općine Breza.
- 58.Odluka o izmjeni i dopuni odluke o privremenom zauzimanju javnih površina na području Općine Breza.
- 58.Odluka o dodjeli javnog priznanja Općine Breza „Plaketa Breze“.
- 59.Odluka o dodjeli javnog priznanja Općine Breza „Nagrada Breze“.
- 60.Zaključak o dodjeli Sportsko-rekreacionog centra „ADA“ u Brezi na privremeno korištenje i čuvanje.
- 61.Zaključak o usvajanju Izveštaja o poduzetim mjerama po zaključku Općinskog vijeća Breza u JP „Komunalno“ d.o.o. Breza.
- 61.Zaključak o usvajanju Informacija o staju bezbjednosti na području Općine Breza za 2013.godinu.
- 62.Zaključak da se organizuje javna tribina na temu „Mjesec borbe protiv ovisnosti“.
- 63.Odluka o dodjeli jednokratne novčane pomoći porodiljama sa područja Općine Breza.

